

Бичкн нөкднр

1957 джил Каспийск дундин школд сургъульчнрин производственн бригад бурдла. Эи бригад „Каспиец“ колхозд ик дөнъгән күргв.

Агроном Г. В. Шилинә гардврар сургъульчнр 6 га газр хагълдж, темс тәрәд, зунин дууси арднь ордж хәләгъад, сән ургъц авцхав. Гектар болгънас 50 центнер помидор, 50 центнер хавст, 30 центнер мәнъгърс ургъадж авцхав. Колхозин нань чигн олн-зүсн кәдлмшт сургъульчнр орлцв. Улгүрнъ, эдн 5 га эрдни-шишә тәрдж, 200 тонн силос белдцхав.

Сургъульчнрин дөнъгин хәрүд колхоз эврәннъ мөнъгәр 20 сургъульчиг Аәдрх орулад, экскурсд илгәв. Кесг дакдж амрдг өдрмүдг сургъульчнриг катерәр Көк тенъгс орулв. Нег улү сәәнәр кәдлсн сургъульч Владимир Богатовин звено болн онц кесг сургъульчнр комсомолин райкомин грамотсар ачлгдцхав.

Ода эклджәх тәрәнә кәдлмшт эн школин сургъульчнр йир сәәнәр белдцхәсн бәәнә. 70 сургъульчнрас 5 звено бурдв. Эдн Прикаспийск консервн комбинатд 21 га газр хагълдж, тәрә тәрцхәхмн. Ода болхла тер газрун амрдг өдр болгън сургъульчнр удобренъ зөбцхәнә.

С. Г. ГОШЕНДАНОВ.